

## Referat frå Sogn og Fjordane Helsefellesskap

**Føremål:** Strategisk samarbeidsutval

**Møtetid:** 21. september 2022

**Stad:** Eid - kommestyresalen i Stad kommune

**Møteleiar:** Arve Varden

**Referent:** Randi Holsen Solheim

<b>Deltakarar:</b>			
<b>Namn</b>	<b>Tittel</b>	<b>Eining</b>	<b>Fråvær</b>
Arve Varden	Administrerande direktør	Helse Førde HF	
Børge Tvedt	Klinikkdirektør PHV	Helse Førde HF	
Anne Kristin Kleiven	Utviklingsdirektør	Helse Førde HF	digitalt
Asle Kjørlaug	Fagdirektør	Helse Førde HF/ FSU	
Trine Vingsnes	Klinikkdirektør MED	Helse Førde HF	digitalt
Tone Holvik	Stadleg leiar NSH	Helse Førde HF	
Dagrun Kyrkjebø	Samhandlingssjef	Helse Førde	
Terje Heggheim	Kommunedirektør	Sunnfjord kommune/ SIS	
Åslaug Krogsæter	Kommunedirektør	Stad kommune/ Nordfjord	
Martin Lundgård	Kommunedirektør	Askvoll kommune/ HAFS	
Gunn Lerøy	Kommunedirektør	Lærdal kommune/ Sogn	digitalt
Jan Helge Dale	Kommuneoverlege	Kinn kommune/ FSU	
Elin Sørbotten	Samhandlingskoordinator	Interkommunal samhandlingskoordinator	
Eilif K Berdal	Leiar brukarutvalet	Felles Brukarutval Sogn og Fjordane	x
Gro Indrebø	Varamedlem FBU	Felles Brukarutval Sogn og Fjordane	x
<b>Observatørar:</b>			
Frode Kyrkjebø	Dagleg leiar, Vestland	KS Vest-Norge	
Hilde Ystanes	Seniorrådgjevar	KS Vest-Norge	

<b>Sak nr.</b>	<b>Tema:</b>	<b>Tidsrom:</b>	<b>Ansvar:</b>
26/22	Godkjenne innkalling og sakliste	10.00-	Leiar SSU
27/22	Godkjenne referat frå førre møte	10.10	Leiar SSU
28/22	Velkommen til Stad kommune	10.10	Åslaug Krogsæter
29/22	Godkjenning av revidert prosedyre kommunalt følgepersonell	11.00	Dagrun Kyrkjebø / Elin Sørbotten
30/22	Strategi Sogn og Fjordane helsefellesskap – innspel til vidare arbeid	11.10	Dagrun Kyrkjebø / Elin Sørbotten
31/22	Vestlandslegen – felles uttale frå helsefellesskapet	11.40	Dagrun Kyrkjebø / Elin Sørbotten
32/22	Avtaleutvalet	12.00	Dagrun Kyrkjebø / Elin Sørbotten
	Lunsjtid	12.10	
33/22	Partnerskapsmøte – ny dato – drøfting om møteform gjennomføring i framtida	13.00	Dagrun Kyrkjebø / Elin Sørbotten
34/22	Status samhandlingskonferansen – påmelding etc	13.20	Dagrun Kyrkjebø / Elin Sørbotten
35/22	Eventuelt	13.30	

<b>Sak nr.</b>	<b>Referat:</b>
26/22	Leiar Arve Varden føretok opprop av deltakarar fysisk og digitalt, før innkalling og sakliste vart godkjend utan merknad. Kort informasjon om ekstra sak frå HFD under eventuelt. Vidare gav han ordet til

	kommunedirektør i Stad kommune, Åslaug Krogsæther.
27/22	Referat frå førre møte godkjend utan merknad.
28/22	<p>Åslaug Krogsæther ønskte velkommen til Stad kommune, og orienterte om overordna linjer i kommuneorganisasjonen. Ho peikte på demografi som ei av dei største utfordringane og nemde også inntektssystemet. Ho peikte på at utviklinga av distriktskommunar i stor grad vert styrt frå Oslo, og at forsørgerbyrden, som den største utfordringa framover, for kommunale tenester aukar årvisst. Med dette som bakteppe stilte ho spørsmål om korleis ein kan klare å oppretthalde gode tenester til folket i distrikta, og på innbyggjarane sine premissar. Krogsæther signalisert at det vert viktig å oppretthalde ambisjonsnivå om eit strukturelt samarbeid for å yte lovpålagde oppgåver, og at ingen kommuneorganisasjon maktar alt til ei kvar tid. Under presentasjon av Fremtidsverktøyet 2040 stilte ho spørsmål om i kva grad helseføretaket kjenner dette verktøyet som er inndelt i tre steg. Kommunedirektøren oppsummerer med at det er krevjande med felles planlegging og er noko spørjande til om Helsefellesskapet er svaret på alle utfordringane, men syner elles til at det kan vere ein del av løysingane som må finnast lokalt for å oppretthalde tenestene i distrikta.</p> <p>Kommunalsjef helse- og omsorg Barbro Longva i Stad kommune starta med å presentere eit langstrakt kart over alle bygder som får levert tenester frå nordfjordkommunen. Sjå eigen presentasjon om organisering der målet er å sikre lik utvikling i tenesteytinga, samt å skape fellesskap i Stad. Longva synte til eit utfordringsbilde der partnarane i helsefellesskapet vårt til ein viss grad konkurrerer mot kvarande iht nøkkelpersonell. Ho peikte på utfordringar i høve tenesteyting og nemde m.a. at helseføretaket sin definisjon av «utskrivingsklare pasientar» kunne skape utfordringar i den daglege drifta. Fleire av utvalsmedlemmane bidrog med refleksjonar i tilknytting til Longva sitt innlegg. God diskusjon mellom utvalsmedlemmane, der det vart peikt på utfordringar med at helseføretaket skal forhalde seg til 17 ulike kommunar. Likevel må det vere ein ambisjon om at vi i Sogn og Fjordane helsefellesskap må gå i takt..</p> <p>Thomas Vingen Vedeld – kommuneoverlege i Stad informerte om legetenesta i kommunen, og utdjupa utfordringane iht «fastlegekrisa» - sjå elles eigen presentasjon. Også Vedeld sin presentasjon skapte engasjement mellom utvalsmedlemmane, og det vart peika på at m.a.samhandlingsreformen overførte mykje oppgåver til kommunane. Her vart det presisert at ei fungerande fastlegeordning er ei god portvakt for henvisning til spesialisthelsetenesta, og ei løysing på denne krisa er viktig for begge partar.</p> <p>Det vart nemd at HFD sin utviklingsplan kanskje bør vurderast i lys av <a href="#">Fremtidsverktøyet 2040</a>. Leiar Varden anerkjende kommunen si synleggjering av aktuelle utfordringar i samhandlinga mellom partnarane, og kommunedirektør Krogsæther oppfordra til at felles ressursar må nyttast til å hjelpe pasientane som treng det, og at partnarane ikkje skubbar problema mellom seg. Oppsummert var det semje om at partnarane bli flinkare til å finne arena for å løyse desse problemstillingane.</p>
29/22	Til sak om godkjenning av revidert prosedyre for kommunalt følgjepersonell informerte Dagrøn Kyrkjebø om prosessen og arbeidet med revisjon av prosedyre. Saka er oversend frå FSU som hadde den til handsaming i siste møte, der vart det drøfta korvidt det er rett å skrive pasientreiser ut av prosedyren. Etter ulike innspel samla utvalsmedlemmane seg om tilråding til vedtak; Strategisk samarbeidsutval godkjenner framlegg til prosedyre «Bruk av følgjepersonell frå kommunen. Grunnlag for refusjon av kostnader.» Strategisk samarbeidsutval bidreg til å spreie informasjon om den oppdaterte prosedyren i sine nettverk.
30/22	<p>Asle Kjølraug innleia til saka om innspel til vidare arbeid med strategi og konkretisering av handlingsplan for Sogn og Fjordane helsefellesskap, og synte til at denne saka var grundig debattert i FSU sitt siste møte. Kjølraug refererte kort til FSU sin diskusjon før Dagrøn Kyrkjebø orienterte om at handlingsplanen vil verte endra utfrå diskusjonen i fagleg samarbeidsutval.</p> <p>Fleire av utvalsmedlemmane peikte på verdien av at strategidokumentet ikkje avgrensar seg til omtale av noverande situasjon. Målet må vere eit framtidsdokument der vi mellom anna skisserer korleis vi kan få til felles planlegging. Også her vart det elles peika på at den største utfordringa er knytta til personellrekrutteringa, og at einaste måte til løysing finns i fellesskap og dialog mellom partnarane. Det må skapast arena for forventningsavklaring samt korleis prosessane skal vere mellom partnarane. Helsefellesskapet sine langsiktige mål må formulerast, og rekkefølgeprioritering vert viktig!</p> <p>Strategisk samarbeidsutval tok orienteringa til vitande. Strategisk samarbeidsutval får saka attende til behandling og vedtak i SSU 301122.</p>
31/22	Børge Tvedt innleia til sak om Vestlandslegen, og mogeleg felles uttale frå helsefellesskapet. Her synte han til diskusjonen om fastlegeordninga i tidlegare møteinnlegg. Kommunedirektør i Sunnfjord presenterte framlegg til felles uttale frå SSU, og etter kort drøfting av ulike perspektiv, vart det teke avgjerd om at SSU

	<p>avventar med uttalen til etter presentasjon av statsbudsjettet. Dersom budsjettet ikkje ivaretek denne ordninga, vert fylgjande framlegg til felles uttale send frå helsefellesskapet;</p> <p>«Helsefellesskapet i Sogn og Fjordane støttar fullt ut arbeidet med <i>Vestlandslegen</i>. Vi ser at ei desentralisert legeutdanning kan vere eit godt tiltak for å møte (blant anna) utfordringane med å rekruttere til fastlegeordninga. Vi ber difor om at det vert løyvd tilstrekkeleg med midlar slik at ei opptrapping av legeutdanninga på Vestlandet kan skje i samsvar med Grimstadutvalet si tilråding.»</p>
32/22	<p>Elin Sørbotten innleia kort til sak om løypemelding frå avtaleutvalet, slik saka var presentert i siste møte i FSU. Ho orienterte om at Avtaleutvalet ber om løyve til å hente inn ressursar innanfor dei ulike felta som kan ta endeleg revisjon når ein er klar for dette. Vidare synte ho til at gruppesamansetninga skal drøftast og forankrast i naudsynete forum både i kommunane og Helse Førde for å sikre rett og god representasjon. Undervegs i arbeidet har det kome fram behov for revisjon av avtale kring smittevern. Her har smittevernskomite starta på arbeidet og vil legge fram eit forslag til behandling i avtaleutvalet medio november 2022.</p> <p>Vedtak: Strategisk samarbeidsutval tek orienteringa til vitande og støttar at utvalet får mandat til å oppnemne medlemmar i faglege arbeidsgrupper ved behov, og som skissert i saksframlegget.</p>
33/22	<p>Frode Kyrkjebø informerte kort om erfaring med partnerskapsmøte som eit årleg dialogmøte mellom styret i Helse Førde, føretaksleiinga og politisk/administrativ leiing i kommunane. Møtet var meint som arena for drøfting av strategisk utvikling av helsetenestene og samhandlinga i helsefellesskapet. Dato for haustens møte er fastlagt til 27. oktober, men det syner seg no at fleire kommunar har vanskar med å delta her.</p> <p>Utvalet drøfta saka og det vart til sist semje om å avlyse haustens møte, samtidig som det vert oppfordra til å nytte samhandlingskonferansen til å reklamere for denne særskilde møtearenaen ovanfor politisk leiing i kommunane. Sekretariatet må finne nytt møtetidspunkt primo 2023.</p> <p>Forslag om at administrative og politiske utvalsløiarar i kommunane kan vere likeverdige deltakarar i eit årleg møte. SSU meiner vidare at partnerskapsmøte må få annan utforming enn kva vi kjenner i dag. Samhandlingssjefen oppfordrar utvalsmedlemmane til å tenke ut og melde inn tema for neste partnerskapsmøte til neste møte i SSU. Forslag til møteform og deltakarar, samt utkast til program for første partnerskapsmøte vert handsama i dette møtet.</p>
34/22	<p>Elin Sørbotten refererte frå status for påmelding til samhandlingskonferansen.</p>
35/22	<p>Arve Varden orienterte i to eventuellsaker;</p> <ol style="list-style-type: none"> <li>1. Utfordringar for Helse Førde i kjølvatnet av pandemien – sjå eigen presentasjon.</li> <li>2. Eit godt møte med Bremanger kommunestyre er gjennomført – visning på ambulansébåten som Helse Vest har finansiert. Varden orienterte om bakgrunn for at finansieringsmodellen er knytta opp til det regionale helseføretaket.</li> </ol> <p>Frode Kyrkjebø orienterte til sist om at Hilde Ystanes inntreer som fast observatør i SSU.</p> <p>Møtet slutt ca 13.40</p>